

宋本素問

四

重廣補注黃帝內經素問卷第九

啓享次註林億孫奇高衡等奉敕校正孫兆重改誤

熱論

刺熱篇

評熱病論

逆調論

熱論篇第三十一

新校正云按全元起本在第五卷

黃帝問曰今夫熱病者皆傷寒之類也或愈或死其死皆以六七日之間其愈皆以十日以上者何也不

知其解願聞其故

寒者冬氣也冬時嚴寒萬類深藏君子固密不傷於寒觸胃之者乃名傷寒其傷於四時之氣皆能為病

以傷寒為毒者最乘殺厲之氣中而即病名曰傷寒不即病者寒毒藏於肌膚至夏至前變為溫病夏至後變為熱病然其發起皆為傷寒致之故曰熱病者皆傷寒之類也新校正云按傷寒論云至春變為溫病至夏變為暑病與王注異王注本素問為說傷寒論本陰陽大論為說故此不同

歧伯

對曰巨陽者諸陽之屬也

巨大也太陽之氣經絡氣血榮衛於身故諸陽氣皆所宗屬

其脉

連於風府

風府穴名也在項上入髮際同身寸之一寸宛宛中是

故為諸陽主氣也

足太陰脉浮氣

之在頭中者凡五行故統主諸陽之氣

人之傷於寒也則為病熱熱雖甚不死

寒毒薄於

肌膚陽氣不得散發而內佛結故傷寒者反為病熱

其兩感於寒而病者必不免於死

受寒謂

帝曰願聞其狀

謂非兩感者之形證

岐伯曰傷寒一日巨陽受之

三陽之氣太陽脉浮脉浮者外在於皮毛故傷寒一日太陽先受之

故頭項痛腰脊強

上文云其脉連於風府略言也細而

言之者足太陽脉從顛入絡腦還出別下項循肩髀內夾脊抵胛中故頭項痛脊強

新校正云按甲乙經及太素作頭項與脊皆痛

二日

陽明受之

以陽感熱同氣相求故自太陽入陽明也

陽明主肉其脉俠鼻絡於目

故身熱目疼而鼻乾不得卧也

身熱者以肉受邪胃中熱煩故不得卧餘隨脉絡之所生也

三日少陽受之少陽主膽

新校正云按全元起本膽作骨元起注云少陽者肝之表肝候筋筋會於骨是

少陽之氣所榮故言主於骨甲乙經太素等並作骨

其脉循脇絡於耳故胃脇痛而耳聾

三陽經絡皆受其病而未入於藏者故可汗而已

以病在表故可

汗也

新校正云按全元起云藏作府元起注云傷寒之病始入於皮膚之腠理漸勝於諸陽而未入府故須汗發其寒熱而散之太素亦作府

四日

太陰受之

陽極而陰受也

太陰脉布胃中絡於嗌故腹滿而嗌乾

五日少陰受之少陰脉貫腎絡於肺繫舌本故口燥

舌乾而渴六日厥陰受之厥陰脉循陰器而絡於肝

故煩滿而囊縮三陰三陽五藏六府皆受病榮衛不

行五藏不通則死矣

死猶斲也言精氣皆斲也是故其死皆病六七日間者以此也

其不兩感

於寒者七日巨陽病衰頭痛少愈

邪氣漸退經氣漸和故少愈

八日陽明

病衰身熱少愈九日少陽病衰耳聾微聞十日太陰

病衰。腹減如故。則思飲食。十一日少陰病衰。渴止不
滿。舌乾已而嚏。十二日厥陰病衰。囊縱少腹微下。大
氣皆去。病日已矣。大氣謂大邪之氣也。是故其愈皆病十日已上者。以此也。帝曰。治之奈何。

岐伯曰。治之各通其藏脉。病日衰已矣。其未滿三日

者可汗而已。其滿三日者可泄而已。此言表裏之大體也。正理傷寒論曰。脉大浮數。

病為在表。可發其汗。脉細沈數。病在裏。可下之。由此則雖日過多。但有表證。而脉大浮數。猶宜發汗。日數雖少。即有裏證。而脉沈細數。猶宜下之。正應隨脉證

以汗下之。帝曰。熱病已愈。時有所遺者。何也。邪氣衰去不盡。如遺之在人也。岐伯

曰。諸遺者。熱甚而強食之。故有所遺也。若此者。皆病

已衰而熱有所藏。因其穀氣相薄。兩熱相合。故有所

遺也。帝曰。善。治遺奈何。岐伯曰。視其虛實。調其逆從。

可使必已矣。審其虛實而補寫之。則必已。帝曰。病熱當何禁之。岐伯曰。病

熱少愈。食肉則復。多食則遺。此其禁也。是所謂戒食勞也。熱雖少愈。猶未盡除。脾胃氣

虛。故未能消化。肉堅食駐。故熱復生。復謂復舊病也。帝曰。其病兩感於寒者。其脉應與其

病形何如。岐伯曰。兩感於寒者。病一日則巨陽與少

陰俱病。則頭痛口乾而煩滿。新校正云。按傷寒論云。煩滿而渴。二日則陽明與

太陰俱病。則腹滿身熱不欲食。譫妄。譫言謂妄謬而不次也。新校正云。按楊上善云。

多言也。三日則少陽與厥陰俱病。則耳聾囊縮而厥。水漿

不入。不知人。六日死。巨陽與少陰為表裏。陽明與太陰為表裏。少陽與厥陰為表裏。故兩感寒氣同受其邪。

帝曰。五藏已傷。六府不通。榮衛不行。如是之後。三日

乃死。何也。岐伯曰。陽明者。十二經脉之長也。其血氣

太素兩感上無病字是

論云煩滿而渴

琦云暑与汗
八字有脱誤

盛故不知人三日其氣乃盡故死矣。以上承氣海故三日氣盡乃死凡病

傷寒而成温者先夏至日者為病温後夏至日者為

病暑暑當與汗皆出勿止。此以熱多少盛衰而為義也陽熱未盛能制故為病曰暑然暑病者當與汗之令愈勿反止之令其甚也新校正云

按凡病傷寒已下全元起本在奇病論中王氏移於此楊上善云冬傷於寒輕者夏至以前發為温病冬傷於寒甚者夏至以後發為暑病

刺熱篇第三十二 新校正云按全元起本在第五卷

肝熱病者小便先黃腹痛多卧身熱。肝之脉環陰器抵少腹而上故小便不通先黃

腹痛多卧也寒薄生熱身故熱焉熱爭則狂言及驚脇滿痛手足躁不得

安卧。經絡雖已受熱而神藏猶未納邪邪正相薄故云爭也餘爭同之又肝之脉從少腹上俠胃貫膈布脇助循喉嚨之後絡舌本故狂言脇滿痛也肝性靜而主驚駭故病則驚手足躁擾卧不得安庚辛甚甲乙大汗氣逆則庚辛死

肝

木庚辛為金金剋木故其死於庚辛也甲乙為木故大汗於甲乙刺足厥陰少陽。厥陰肝脉少陽膽脉其逆則

頭痛真真脉引衝頭也。肝之脉自舌本循喉嚨之後上出額與督脉會於顛故頭痛真真然脉引衝於頭中也真真謂似急也

心熱病者先不樂數日乃熱。夫所以任治於物者謂心病氣入於經絡則神不安治故先不樂數日乃熱也熱

爭則卒心痛煩悶善嘔頭痛面赤無汗。心手少陰脉起於心中其支別者從心系上俠咽小腸之脉直行者循咽下膈抵胃其支別者從缺盆循頸上頰至目外眦故卒心痛煩悶善嘔頭痛面赤也心在液為汗今病熱故無汗以出新校正云

按甲乙經外此皆作兌皆王注厥論亦作兌皆外當作兌壬癸甚丙丁大汗氣逆則壬癸死

心主火壬癸為水水滅火故甚死於壬癸也丙丁為火故大汗於丙丁氣逆之證經闕其文刺手少陰太陽。少陰心脉太陽

脾熱病者先頭重頰痛煩心顏青欲嘔身熱。胃之脉起於鼻

小腸脾熱病者先頭重頰痛煩心顏青欲嘔身熱。胃之脉起於鼻

交頰中下循鼻外入上齒中還出俠口環唇下交承漿却循頰後下廉出大迎循頰車上耳前過客主人循髮際至額顛故先頭重頰痛顏青也脾之脉支別

者復從胃別上鬲注心中其直行者上鬲俠咽故煩心欲嘔而身熱也熱爭

新校正云按甲乙經太素云脾熱病者先頭重頰痛無顏青二字也

太素無逆則二字及也字真作貢甲乙同並是宜從

則腎痛不可用俛仰腹滿泄兩頷痛。胃之脉支別者起胃下而合以下髀氣街者腰之前故腰痛也脾之脉入腹屬脾絡胃又胃之脉自交承漿却循頤後下廉出大迎循頰車故腹滿泄而兩頷痛。甲乙甚。

戊巳大汗氣逆則甲乙死。脾主青乙為木木伐土故甚死於甲乙也戊巳為土故大汗於戊巳氣逆之證。

經所刺足太陰陽明。太陰脾脉陽明胃脉。新校正云按甲乙經熱病下末論刺足太陰陽明。篇云病先頭重頰痛煩心身熱熱爭則腰痛不可用俛仰腹滿兩頷痛其暴泄善飢而不欲食善噦熱中惡清腹脹食不化善嘔泄有膿血苦嘔無所出先取三里後取白章門。肺熱病者

先淅然厥起毫毛惡風寒舌上黃身熱。肺主皮膚外養於毛故寒起毫毛也肺之脉起於中焦下絡大腸還循胃口今肺熱入胃胃熱上升故舌上黃而身熱。熱爭則喘欬痛走胃

膺背不得大息頭痛不堪汗出而寒。肺居膈上氣主膺背復主呼吸背復為膺中之府故喘欬痛走胃膺背不得大息也。丙丁甚庚辛

大汗氣逆則丙丁死。肺主金丙丁為火火燔金故其死於丙丁也庚辛為金故大汗於庚辛也氣逆之證經關未書。

太素無厥字
臺字寒字痛
作痺堪作甚
並是宜攻

刺手太陰陽明出血如大豆立已。太陰肺脉陽明大腸脉當視其絡脉盛者乃刺而出之。腎

熱病者先腰痛筋痠苦渴數飲身熱。膀胱之脉從肩髀內俠脊抵腰中又腰為腎之府故先腰痛也又腎之脉自循內踝之後上膻內出臍內廉又直行者從腎上貫肝鬲入肺中循喉嚨俠舌本故筋痠苦渴數飲身熱。熱爭則

項痛而強筋寒且痠足下熱不欲言。膀胱之脉從腦出別下之斜趨足心出於然骨之下循內踝之後別入跟中以上膻內又其直行者從腎上貫肝鬲入肺中循喉嚨俠舌本故項痛而強筋寒且痠足下熱不欲言也。新校正云按甲

乙經然骨作然谷。其逆則項痛負負澹澹然。腎之筋循脊內俠脊項痛負負然也澹澹為似欲不定也。戊巳甚壬癸大汗氣逆則

戊巳死。腎主水戊巳為土土刑水故其死於戊巳也壬癸為水故大汗於壬癸也。刺足少陰太陽。

膀胱諸汗者至其所勝日汗出也。氣王日為所勝王則勝邪故各當其王日汗。肝熱

病者左頰先赤。肝氣合木木氣應春南面正理之則其左頰也。心熱病者顏先赤。心氣合火

太素無此十
一字

太素無此十
一字

太素無此十
一字

太素無此十
一字

火氣炎上指象明候。脾熱病者鼻先赤。脾氣合土土王於中故候於顏額也。肺熱病者

者右頰先赤。肺氣合金金氣應秋南面正理之則其右頰也。腎熱病者頤先赤。腎氣合水水惟潤下

指象明候故。病雖未發見赤色者刺之名曰治未病。聖人不候於頤也。

治未病不治已亂。熱病從部所起者至期而已。期為大汗日也。如肝甲乙心丙丁脾戊己

肺庚辛腎壬癸。其刺之反者三周而已。反謂反取其氣也。如肝病刺脾脾病刺腎腎病刺心心病刺肺

是為期日也。肺病刺肝者皆是反刺五藏之氣也。三周謂三周於三陰三陽之脈狀也。又太陽病而刺寫陽明陽明病而刺寫少陽少陽病而刺寫大陰大陰病而刺寫少陰少陰病而刺寫厥陰如此是

為反取三陰三陽之脈氣也。重逆則死。先刺已反病氣沫傳又反刺之是為重逆一逆刺之尚至三周

乃已況其重。諸當汗者至其所勝日汗大出也。王則勝邪故各當其王日汗

逆而得生邪。諸治熱病以飲之寒水乃。新校正云按此條文注二十四字與前文重複當從刪去甲乙經太素亦不重出。

刺之必寒衣之居止寒處身寒而止也。寒水在胃陽氣外盛故飲寒乃刺熱退則涼生

太素補足二字作手字是

故身寒。熱病先胃脇痛手足躁刺足少陽補足太陰。此則舉正而止針。

取之例然足少陽木病而寫足少陽之木氣補足太陰之土氣者恐木傳於土也。胃脇痛丘虛主之丘虛在足外踝下如前陷者中足少陽脈之所過也刺可

入同身寸之五分留七呼若灸者可灸三壯熱病手足躁經無所主治之直然補足太陰之脈當於井榮取之也。新校正云詳足太陰全元起本及太素作

手太陰楊上善云手太陰上屬肺從肺出腋下故胃脇痛又按靈樞經云熱病而胃脇痛手足躁取之筋間以第四鍼索筋於肝不得索之於金金肺也以此

決知作手太。病甚者為五十九刺。五十九刺者謂頭上五行行五者以陰者為是。

俞此八者以寫胃中之熱也。氣街三里巨虛上下廉此八者以寫胃中之熱也。雲門髃骨委中髓空此八者以寫四支之熱也。五藏俞傍五此十者以寫五藏

之熱也。凡此五十九穴者皆熱之左右也。故病甚則兩刺之然頭上五行者當中行謂上星額會前頂百會後頂次兩傍謂五處承光通天絡却玉枕又刺兩

傍謂臨泣目窻正營承靈腦空也。上星在顛土直鼻中央入髮際同身寸之一寸陷者中容豆刺可入同身寸之四分。新校正云按甲乙經四分作三分水

熱穴論注亦作三分。詳此注下文云刺如上星法又云刺如額會法既有二法則當依甲乙經及水熱穴論注上星刺入三分額會刺入四分額會在上星後

同身寸之一寸陷者刺如上星法前頂在額會後同身寸之一寸五分頂中央旋毛中陷容指者中刺如額會法百會在前頂後同身寸之一寸五分頂中央旋毛中陷容指

督脉是太陽脉之交會。刺如上星法。後頂在百會後同身寸之一寸五分。枕骨上刺如顛會法。然是五者。皆督脉氣所發也。上星留六呼。若灸者並灸五壯。次兩傍穴。五處。在上星兩傍同身寸之一寸五分。承光在五處後同身寸之一寸。通天在承光後同身寸之一寸五分。絡却在通天後同身寸之一寸五分。玉枕在絡却後同身寸之七分。然是五者。並足太陽脉氣所發。刺可入同身寸之三分。五處通天各留七呼。絡却留五呼。玉枕留三呼。若灸者可灸三壯。新校正云。按甲乙經。承光不可灸。玉枕刺入二分。又次兩傍。臨泣在頭直目上。入髮際同身寸之五分。足太陽少陽陽維三脉之會。目窓。正營。遞相去同身寸之一寸。承靈。腦空。遞相去同身寸之一寸五分。然是五者。並足少陽陽維二脉之會。腦空一穴。刺可入同身寸之四分。餘並可刺入同身寸之三分。臨泣留七呼。若灸者可灸五壯。大杼在項第一椎下兩傍。相去各同身寸之一寸半。陷者中。督脉別絡。足太陽手太陽三脉氣之會。刺可入同身寸之三分。留七呼。若灸者可灸五壯。新校正云。按甲乙經。作七壯。氣穴注。作七壯。刺瘡注。熱穴注。作五壯。膺俞者。膺中俞也。正名中府。在胷中行兩傍。相去同身寸之六寸。雲門下一寸。乳上三肋間。動脉應手。陷者中。仰而取之。手足太陰脉之會。刺可入同身寸之三分。留五呼。若灸者可灸五壯。缺盆在肩上橫骨陷者中。手陽明脉氣所發。刺可入同身寸之二分。留七呼。若灸者可灸三壯。背俞。當是風門。熱府。在第二椎下兩傍。各同身寸之一寸半。督脉足太陽之會。刺可入同身寸之五分。留七呼。若灸者可灸五壯。驗。今明堂中誥圖經。不言背俞。未詳果何處也。新校正云。按王注。水熱穴論。以風門熱府為背俞。又注氣穴論。以大杼為背俞。此注云未

詳三注不同。蓋疑之也。氣街在腹齊下橫骨兩端。鼠鼯上同身寸之一寸。動應手足陽明脉氣所發。刺可入同身寸之三分。留七呼。若灸者可灸五壯。三里在膝下同身寸之三寸。筋外廉。兩筋肉分間。足陽明脉之所入也。刺可入同身寸之一寸。留七呼。若灸者可灸三壯。巨虛上廉。足陽明與大腸合。在三里下同身寸之三寸。足陽明脉氣所發。刺可入同身寸之八分。若灸者可灸三壯。巨虛下廉。足陽明與小腸合。在上廉下同身寸之三寸。足陽明脉氣所發。刺可入同身寸之三分。若灸者可灸三壯。雲門在巨骨下。胷中行兩傍。新校正云。按氣穴論注。胷中行兩傍。作俠任脉。傍橫去任脉。文雖異。穴之處所則同。相去同身寸之六寸。動脉應手。中府當其下。同身寸之一寸。雲門手太陰脉氣所發。舉臂取之。刺可入同身寸之七分。若灸者可灸五壯。驗。今明堂中誥圖經。不載髃骨穴。尋其穴。以寫四支之熱。恐是肩髃穴。穴在肩端兩骨間。手陽明驕脉之會。刺可入同身寸之六分。留六呼。若灸者可灸三壯。委中在足膝後屈處。臑中央約文中動脉。新校正云。詳委中穴。與氣穴注。骨空注。刺瘡論注。并此。王氏四處注之。彼三注無足膝後屈處五字。與此注異者。非實有異。蓋注有詳略爾。足太陽脉之所入也。刺可入同身寸之五分。留七呼。若灸者可灸三壯。髓空者。正名腰俞。在脊中第二十一椎節下間。督脉氣所發。刺可入同身寸之二分。新校正云。按甲乙經。作二寸。水熱穴論注。亦作二寸。氣府論注。骨空論注。作一分。留七呼。若灸者可灸三壯。五藏俞。傍五者。謂魄戶。神堂。魂門。意舍。志室。五穴也。在脊脊兩傍。各相去同身寸之三寸。並足太陽脉氣所發也。魄戶在第三椎下兩傍。正坐取之。刺可入同身寸之五分。若灸者可灸五壯。神堂在第五椎下兩傍。刺可入

同身寸之三分若灸者可灸五壯魂門在第九椎下兩傍正坐取之刺可入同
身寸之五分若灸者可灸三壯意舍在第十一椎下兩傍正坐取之刺可入同
身寸之五分若灸者可灸三壯志室在第十四椎下兩傍正坐取之刺可入同
身寸之五分若灸者可灸三壯是所謂此經之五十九刺法也若鍼經所指五
十九刺則殊與此經不同雖俱治熱病之要穴然合用之熱病始手臂痛
理全向背猶當以病候形證所應經法即隨所證而刺之

者刺手陽明太陰而汗出止去腕上同身寸之一寸半別走陽明者
也刺可入同身寸之三分留三呼若灸者可灸五壯欲出汗商陽主之商陽者
手陽明脉之井在手大指次指內側去爪甲角如韭葉手陽明脉之所出也刺
可入同身寸之一分留一呼若灸者可灸三壯

熱病始於頭首者刺項太陽而汗出
止天柱主之天柱在俠項後髮際大筋外廉陷者中足太陽脉
氣所發刺可入同身寸之二分留六呼若灸者可灸三壯

足脛者刺足陽明而汗出止新校正云按此條素問本無
身重骨痛耳聾好暝刺足少陰據經無正主穴當補寫并榮爾
身重骨痛耳聾好暝取之骨以第病甚為五十九刺如古熱病

先眩冒而熱曾脇滿刺足少陰少陽亦并太陽之脉色

榮顙骨熱病也榮飾也謂赤色見於顙骨如榮飾也顙骨謂目下當外
色榮顙者骨熱病也昔也太陽合火故見色赤新校正云按楊上善云亦
與王氏之注不同

榮未交新校正云按甲乙經太素作曰今且得汗

待時而已榮一為營字之誤也曰者引古經法之端由也言色雖明盛但
待甲乙心病待丙丁脾病待戊己肺病待庚辛腎病待壬癸是謂待時而已所謂交者次如下句

與厥陰脉爭見者

死期不過三日外見太陽之赤色內應厥陰之弦脉然太陽受病當傳
死然土氣已敗木復狂行入陽明今反厥陰之脉來見者是也敗而木賊之也故

其熱病內連腎少陽之脉色也病或為

誤也若赤色氣內連鼻兩傍者是少陽之脉色非厥陰色何者腎部近於鼻也
新校正云詳或者欲改腎作鼻按甲乙經太素並作腎楊上善云太陽水也厥

陰木也水以生木木盛水衰故太陽水色見時有木爭見者水死以其熱病內
連於腎腎為熱傷故死本舊無少陽之脉色也六字乃王氏所添王注非當從

上善之義少陽之脉色榮顙前熱病也顙前即顙骨下近鼻兩傍也

新校正云按甲乙經太素前字

太素文曰今作
天日令而作自

身重骨痛耳聾而好暝

取之骨以第

病甚為五十九刺

如古

熱病

太素文曰作天
日而作自無期
不過三日立字

作筋。楊上善云。足少陽部在頰。赤色榮之。即知筋熱病也。榮未交。曰今日且得汗。待時而已。與

少陰脉爭見者。死期不過三日。少陽受病。當傳入於太陰。今反少陰脉來見。亦土敗而木賊之也。故死。不過三日。亦木之數然。新校正云。詳或者欲改少陰作厥陰。按甲乙

經。太素作少陰。楊上善云。少陽為木。少陰為水。少陽色見之時。有少陰爭見者。是母勝子。故木死。王作此注。亦非。舊本及甲乙經。太素並無期。不過三日六字。此是王氏成足此文也。

熱病氣穴。三椎下間。主胃中熱。四椎下間。主胃中熱。五椎下間。主肝熱。

六椎下間。主脾熱。七椎下間。主腎熱。榮在臑也。脊節之謂椎。脊謂椎。脊

窮之謂臑。言腎熱之氣。外通尾臑也。尋此文。推間所主神藏之熱。又不正當其藏俞。而云主療。在理未詳。項上三椎陷者。中

也。此舉數脊椎大法也。言三椎下間。主胃中熱者。何以數之。言皆當以陷者。中為氣發之所。頰下逆觀。為大瘕。下

牙車。為腹滿。顛後為脇痛。頰上者。鬲上也。此所以候面部之色。發明腹中之病診。

評熱病論篇第三十三。新校正云。按全元起本。在第五卷。

黃帝問曰。有病溫者。汗出輒復熱。而脉躁疾。不為汗

衰。狂言不能食。病名為何。歧伯對曰。病名陰陽交。交

者死也。交謂交合。陰陽之氣。不分別也。帝曰。願聞其說。歧伯曰。人所以汗出

者。皆生於穀。穀生於精。言穀氣化為精。精氣勝乃為汗。今邪氣交爭於骨

肉。而得汗者。是邪却而精勝也。言初汗也。精勝則當能食。而

不復熱。復熱者。邪氣也。汗者。精氣也。今汗出而輒復

熱者。是邪勝也。不能食者。精無俾也。無俾。言無可使為汗也。穀不化。則精不生。精不

化流。故無可使。病而留者。其壽可立而傾也。如是者。若汗出疾速。留者而

也。新校正云。詳病而留者。按王注。病當作疾。又按甲乙經。作而熱留者。且夫熱論曰。汗出而脉尚躁

盛者死。熱論謂上古熱論也。凡汗後脉當遲靜。而反躁。急以盛滿者。是真氣竭而邪盛。故知必死也。今脉不與汗相

評熱病論篇第三十三。新校正云。按全元起本。在第五卷。

黃帝問曰。有病溫者。汗出輒復熱。而脉躁疾。不為汗

衰。狂言不能食。病名為何。歧伯對曰。病名陰陽交。交

應此不勝其病也其死明矣。脉不靜而躁盛是不相應狂言者是失志

失志者死。志舍於精今精無可使是志無所居志不留居則失志也今見三死不見一生雖

愈必死也。汗出脉躁盛一死不勝其病二死狂言失志者三死也帝曰有病身熱汗出煩

滿煩滿不為汗解此為何病歧伯曰汗出而身熱者

風也汗出而煩滿不解者厥也病名曰風厥帝曰願

卒聞之歧伯曰巨陽主氣故先受邪少陰與其為表

裏也得熱則上從之從之則厥也。上從之謂少陰隨從於太陽而上也帝曰治之

奈何歧伯曰表裏刺之飲之服湯。謂為太陽補少陰也飲之湯者謂止逆上之腎氣也帝曰

勞風為病何如歧伯曰勞風法在肺下。從勞風生故曰勞風勞謂腎勞也腎脉者從腎

上貫肝鬲入肺中故腎勞風生上居肺下也其為病也使人強上冥視。新校正云按楊上善云強上好

仰也冥視謂合眼視不明也又千金方冥視作目眩唾出若涕惡風而振寒此為勞風之

病。膀胱脉起於目內眦上額交巔上入絡腦還出別下項循肩髀內俠脊抵膺中入循脊絡腎今腎精不足外吸膀胱膀胱氣不能上營故使人頭項強而

視不明也肺被風薄勞氣上熏故令唾出若鼻涕狀腎氣不足陽氣內攻勞熱相合故惡風而振寒帝曰治之奈何歧伯

曰以救俛仰。救猶正也俛仰謂屈伸也言止屈伸於動作不使勞氣滋蔓巨陽引精者三日中

年者五日不精者七日。新校正云按甲乙經作三日中若五日千金方作候之二日及五日中不精明者是也與此不

同欬出青黃涕其狀如膿大如彈丸從口中若鼻中出

不出則傷肺傷肺則死也。巨陽者膀胱之脉也膀胱與腎為表裏故巨陽引精也巨大也然太陽之脉吸

引精氣上攻於肺者三日中年者五日素不以精氣用事者七日當欬出稠涕其色青黃如膿狀平調欬者從咽而上出於口暴卒欬者氣衝突於鬲門而出

於鼻夫如是者皆腎氣勞竭肺氣內虛陽氣奔迫之所為故不出則傷肺也肺傷則榮衛散解魄不內治故死新校正云按王氏云卒暴欬者氣衝突於鬲

門而出於鼻按難經七衝門無鬲門之名疑是貴門楊操云貴者鬲也胃氣之所出胃出穀氣以傳於肺肺在鬲上故胃為貴門帝曰有病

腎風者。面肘痠然。壅害於言。可刺不。痠然腫起貌。壅謂目下。壅如卧蠶形也。腎之脉。

從腎上貫肝鬲入肺中。循喉。庸俠舌本。故妨害於言語。岐伯曰。虛不當刺。不當刺而刺後

五日。其氣必至。至謂病氣來至也。然謂藏配一日。而五日至腎。夫腎已

足不可復。故刺後五日其氣必至也。帝曰。其至何如。岐伯曰。至必少氣時熱。時

熱從脅背。上至頭。汗出手熱。口乾苦渴。小便黃。目下

腫。腹中鳴。身重。難以行。月事不來。煩而不能食。不能

正偃。正偃則效。病名曰風水。論在刺法中。刺法篇名。今經亡。帝曰。

願聞其說。岐伯曰。邪之所湊。其氣必虛。陰虛者。陽必

湊之。故少氣時熱。而汗出也。小便黃者。少腹中有熱

也。不能正偃者。胃中不和也。正偃則效甚。上迫肺也。

諸有水氣者。微腫先見於目下也。帝曰。何以言。岐伯

曰。水者陰也。目下亦陰也。腹者至陰之所居。故水在

腹者。必使目下腫也。真氣上逆。故口苦舌乾。卧不得

正偃。正偃則效。出清水也。諸水病者。故不得卧。卧則

驚驚則效甚也。腹中鳴者。病本於胃也。薄脾則煩不

能食。食不下者。胃脘隔也。身重難以行者。胃脉在足

也。月事不來者。胞脉閉也。胞脉者。屬心而絡於胞中。

今氣上迫肺。心氣不得下通。故月事不來也。考上文所釋之義。未解熱從脅背上

至頭。汗出手熱。口乾苦渴之義。應古論簡脫。而此差謬之爾。如是者。何腎少陰之脉。從腎上貫肝鬲入肺中。循喉嚨。俠舌本。又膀胱太陽之脉。從目内眦上額交巔上。其支者。從巔至耳上角。其直者。從巔入絡腦。還出别下項。循肩膊内。俠脊抵腰中。入循膂。今陰不足而陽有餘。故熱從脅背上至頭。而汗出口乾苦渴。

也然心者陽藏也其脉行於臂手腎者陰藏也其脉循於胷足
腎不足則心氣有餘故手熱矣又以心腎之脉俱是少陰脉也
帝曰善

逆調論篇第三十四 新校正云按全元起本在第四卷

黃帝問曰人身非常温也非常熱也為之熱而煩滿

者何也 異於常候故曰非常 新校正云按甲乙經無為之熱三字 岐伯對曰陰氣少而陽氣

勝故熱而煩滿也帝曰人身非衣寒也中非有寒氣

也寒從中生者何 言不知誰為元主邪 岐伯曰是人多痺氣也陽氣

少陰氣多故身寒如從水中出 言自由形氣陰陽之為是非衣寒而中有寒也 帝曰

人有四支熱逢風寒如灸如火者何也 新校正云按全元起本無如火二字太素

也兩陽相得而陰氣虛少少水不能滅盛火而陽獨

也

太素如作於是

治獨治者不能生長也獨勝而止耳 水為陰火為陽今陽氣有餘陰氣不足故去少

逢風而如灸如火者是人當肉爍 水不能滅盛火也治者王也勝者盛也故云獨勝而止

能熱厚衣不能温然不凍慄是為何病岐伯曰是人

者素腎氣勝以水為事太陽氣衰腎脂枯不長一水

不能勝兩火腎者水也而生於骨腎不生則髓不能

滿故寒甚至骨也 以水為事言盛欲也 所以不能凍慄者肝一陽也

心二陽也腎孤藏也一水不能勝二火故不能凍慄

病名曰骨痺是人當攣節也 腎不生則髓不滿髓不滿則筋乾縮故節攣拘 帝曰人

之肉苛者雖近衣絮猶尚苛也是謂何疾 苛謂瘡重 岐伯曰

太素如作於是

高云水火而火七字在下衍文

甲乙經如作

太素故作奇
甲乙如故作
加奇

榮氣虛衛氣實也榮氣虛則不仁衛氣虛則不用榮
衛俱虛則不仁且不用肉如故也人身與志不相有
曰死身用志不應志為身不親兩者似不相有也帝曰人有逆氣不
得卧而息有音者有不得卧而息無音者有起居如
故而息有音者有得卧行而喘者有不得卧不能行
而喘者有不得卧卧而喘者皆何藏使然願聞其故
歧伯曰不得卧而息有音者是陽明之逆也足三陽
者下行今逆而上行故息有音也陽明者胃脉也胃
者六府之海水穀海也其氣亦下行陽明逆不得從其道故
不得卧也下經曰胃不和則卧不安此之謂也下經上古經也

夫起居如故而息有音者此肺之絡脉逆也絡脉不
得隨經上下故留經而不行絡脉之病人也微故起
居如故而息有音也夫不得卧卧則喘者是水氣之
客也夫水者循津液而流也腎者水藏主津液主卧
與喘也帝曰善尋經所解之旨不得卧而息無音有得卧行而喘有不
得卧不能行而喘此三義悉闕而未論亦古之脫簡也

重廣補注黃帝內經素問卷第九

熱論譫

之閣切多言也

怫

弗音

刺熱論頷

胡感切

洒淅

上先禮切下先曆切

痲

酸音

骸

音

跟

音

評熱病論肘疣

下莫切

髀

音

逆調論苛

胡歌切

苛

音

逆調論苛

胡歌切

苛

音

逆調論苛

胡歌切

苛

與帝出帝曰善... 夫法吾收也而息百音...

重廣補注黃帝內經素問卷第十

啓享次注林億孫奇高保衡等奉敕校正孫兆重改誤

瘧論

刺瘧篇

氣厥論

欬論

瘧論篇第三十五

新校正云按全元起本在第五卷

黃帝問曰夫瘧瘧皆生於風其蓄作有時者何也

瘧猶老也

亦瘦也... 秋為病或云瘧瘧或但云瘧不必以日發間日

也先起於毫毛伸欠乃作寒慄鼓頤

慄謂戰慄鼓謂振動

痛寒去則內外皆熱頭痛如破渴欲冷飲帝曰何氣

使然願聞其道歧伯曰陰陽上下交爭虛實更作陰

陽相移也陽氣者下行極而上陰氣者上行極而下故曰陰陽上下交爭也陽虛則外寒陰虛則內熱陽盛則外熱陰盛則內寒由此寒

去熱生則虛實更作陽并於陰則陰實而陽虛陽明虛則寒

慄鼓頷也陽并於陰言陽氣入於陰分也陽明胃脈也胃之脈自交承漿却分行循頤後下廉出大迎其支別者從大迎前下入迎故氣

不足則惡寒戰慄而頤頷振動也巨陽虛則腰背頭項痛巨陽者膀胱脈其脈從頭別下項循肩膊內俠脊抵腰中

故氣不足則腰背頭項痛也三陽俱虛則陰氣勝陰氣勝則骨寒而痛

寒生於內故中外皆寒陽盛則外熱陰虛則內熱外

內皆熱則喘而渴故欲冷飲也熱傷氣故內外皆熱則喘而渴此皆得之

夏傷於暑熱氣盛藏於皮膚之內腸胃之外此榮氣

之所舍也腸胃之外榮氣所主故云榮氣所舍也舍猶居也此令人汗空踈新校正云按全元起本作汗出

太素無內外相薄四字案源同以是

空踈甲乙經太素並同腠理開因得秋氣汗出遇風及得之以浴水

氣舍於皮膚之內與衛氣并居衛氣者晝日行於陽

夜行於陰此氣得陽而外出得陰而內薄內外相薄

是以日作作發作也帝曰其間日而作者何也間日謂隔日歧伯曰其

氣之舍深內薄於陰陽氣獨發陰邪內著陰與陽爭

不得出是以間日而作也不與衛氣相逢會故隔日發也帝曰善其作日

晏與其日早者何氣使然晏猶日暮也歧伯曰邪氣客於風

府循督而下風府穴名在項上入髮際同身寸之二寸大筋內宛宛中也督謂脊兩傍衛氣一日一夜

大會於風府其明日日下一節故其作也晏此先客

於脊背也每至於風府則腠理開腠理開則邪氣入

邪氣入則病作以此日作稍益晏也節謂脊骨之節然邪氣遠則逢會遲故發暮也

其出於風府日下一節二十五日下至骶骨二十六

日入於脊內注於伏膂之脉項已下至尾骶凡二十四節故日下一節二十五日下至骶骨二十六日入於

脊內注於伏膂之脉也伏膂之脉者謂膂筋之間腎脉之伏行者也腎之脉循股內後廉貫脊屬腎其直行者從腎上貫肝膈入肺中以其貫脊又不正應行

穴但循膂伏行故謂之伏膂脉新校正云按全元起本二十五日作二十一日二十六日作二十一日甲乙經太素並同伏膂之脉甲乙經作太衝之脉巢

元方作伏衝其氣上行九日出於缺盆之中其氣日高故作

日益早也以腎脉貫脊屬腎上入肺中肺者缺盆為之道陰氣之行速故其氣上行九日出於缺盆之中其間日發

者由邪氣內薄於五藏橫連募原也其道遠其氣深

其行遲不能與衛氣俱行不得皆出故間日乃作也

募原謂鬲募之原系新校正云按全元起本募作膜太素巢元方並同舉痛論亦作膜原帝曰夫子言衛氣每

太素無間日發者由邪氣七字不得皆甲乙太素作借一字

至於風府腠理乃發發則邪氣入入則病作今衛氣

日下一節其氣之發也不當風府其日作者柰何歧

伯曰新校正云按全元起本及甲乙經太素自此邪氣客於頭項至下則病作故八十八字並無此邪氣客於頭

項循膂而下者也故虛實不同邪中異所則不得當

其風府也故邪中於頭項者氣至頭項而病中於背

者氣至背而病中於要脊者氣至腰脊而病中於手

足者氣至手足而病故下篇各以居邪之所而刺之衛氣之所在與邪氣

相合則病作故風無常府衛氣之所發必開其腠理

邪氣之所合則其府也虛實不同邪中異所衛邪相合病則發焉不必悉當風府而發作也新校正云按甲乙

經巢元方則其府也作其病作帝曰善夫風之與瘧也相似同類而風獨

靈樞巢源是作應合作舍

常在瘧得有時而休者何也風瘧皆有盛衰故云相似同類岐伯曰風氣留

其處故常在瘧氣隨經絡沈以內薄新校正云按甲乙經作次以內傳故

衛氣應乃作留謂留止隨謂隨從帝曰瘧先寒而後熱者何也岐伯

曰夏傷於大暑其汗大出腠理開發因遇夏氣淒滄

之水寒新校正云按甲乙經太素水寒作小寒迫之藏於腠理皮膚之中秋傷於風

則病成矣暑為陽氣中風者陽氣受之故秋傷於風則病成矣夫寒者陰氣也風者陽氣

也先傷於寒而後傷於風故先寒而後熱也病以時

作名曰寒瘧露形觸冒則風寒傷之帝曰先熱而後寒者何也岐伯曰

此先傷於風而後傷於寒故先熱而後寒也亦以時

作名曰溫瘧以其先熱故謂之溫其但熱而不寒者陰氣先絕陽氣

獨發則少氣煩冤手足熱而欲嘔名曰癰瘡熱為之也

帝曰夫經言有餘者寫之不足者補之今熱為有餘

寒為不足夫瘧者之寒湯火不能溫也及其熱冰水

不能寒也此皆有餘不足之類當此之時良工不能

止必須其自衰乃刺之其故何也願聞其說言何暇不早使其盛極而

自止岐伯曰經言無刺熇熇之熱新校正云按全元起本及太素熱作氣無刺渾

渾之脈無刺漉漉之汗故為其病逆未可治也熇熇盛熱也渾

渾言無端緒也漉漉言汗大出也夫瘧之始發也陽氣并於陰當是之時陽

虛而陰盛外無氣故先寒慄也陰氣逆極則復出之

陽陽與陰復并於外則陰虛而陽實故先熱而渴陰盛則胃

寒故先寒戰栗陽盛則夫瘧氣者并於陽則陽勝并於陰則胃熱故先熱欲飲也

陰勝陰勝則寒陽勝則熱瘧者風寒之氣不常也病

極則復復謂復舊也言其氣發至極還復如舊至新校正云按甲乙經作瘧者風寒之暴氣不常病極則復至全元起本及太素作瘧風寒

氣也不常病極則復至至字連上句與王氏之意異病之發也如火之熱如風雨不可當

也以其盛熾故不可當也故經言曰方其盛時必毀新校正云按太素云勿敢必毀因其

衰也事必大昌此之謂也方正也正盛寫之或傷真氣故必毀病氣衰已補其經氣則邪氣弭退正氣安

平故必大昌也夫瘧之未發也陰未并陽陽未并陰因而調之

真氣得安邪氣乃亡所寫必中所補必當故真氣得安邪氣乃亡也故工不能治其

已發為其氣逆也真氣浸息邪氣大行真不勝邪是為逆也帝曰善攻之柰何早

晏何如岐伯曰瘧之且發也陰陽之且移也必從四

亡無同

太素真作直而下有取字

末始也陽已傷陰從之故先其時堅束其處令邪氣

不得入陰氣不得出審候見之在孫絡盛堅而血者

皆取之此其往而未得并者也言牢縛四支令氣各在其處則邪所居處必自見之既見之則

刺出其血爾往猶去也新校正云按甲乙經真往作其往太素作直往帝曰瘧不發其應何如岐伯

曰瘧氣者必更盛更虛當氣之所在也病在陽則熱

而脉躁在陰則寒而脉靜陰靜陽躁故脉亦隨之極則陰陽俱衰衛

氣相離故病得休衛氣集則復病也相薄至極物極則反故極則陰陽俱衰帝

曰時有間一日或至數日發或渴或不渴其故何也岐

伯曰其間日者邪氣與衛氣客於六府而有時相失

不能相得故休數日乃作也氣不相會故數日不能發也瘧者陰陽更勝

也。或甚或不甚。故或渴或不渴。陽勝陰甚則渴。陽勝陰不甚則不渴也。勝謂強盛於彼之氣也。

帝曰。論言夏傷於暑。秋必病瘧。新校正云。按生氣通天論并陰陽應象大論二論俱云。夏傷於

暑。秋必病瘧。今瘧不必應者。何也。言不必皆然。岐伯曰。此應四時者

也。其病異形者。反四時也。其以秋病者。寒甚。秋氣清涼。陽氣下降。熱藏

肌肉。故寒甚也。以冬病者。寒不甚。冬氣嚴冽。陽氣伏藏。不與寒爭。故寒不甚。以春病者。惡風

春氣溫和。陽氣外泄。內腠開發。故惡於風。以夏病者。多汗。夏氣暑熱。津液充盈。外泄皮膚。故多汗也。帝曰。夫病

溫瘧與寒瘧。而皆安。舍於何藏。安何也。舍居也。藏謂五神藏也。岐伯曰。溫

瘧者。得之冬中。於風寒。氣藏於骨髓之中。至春則陽氣

大發。邪氣不能自出。因遇大暑。腦髓燦。肌肉消。腠理

發泄。或有所用力。邪氣與汗皆出。此病藏於腎。其氣

先從內出之於外也。腎主於冬。冬主骨髓。腦為髓海。上下相應。厥熱上熏。故腦髓銷燦。銷燦則熱氣外薄。故肌肉減

削而病藏於腎也。如是者。陰虛而陽盛。陽盛則熱矣。陰虛謂腎藏氣虛。陽盛謂膀胱

太陽氣盛。衰則氣復反入。入則陽虛。陽虛則寒矣。故先熱而

後寒。名曰溫瘧。衰謂病衰退也。復反入謂入腎陰脈中。帝曰。瘧瘧何如。岐伯曰。

瘧瘧者。肺素有熱。氣盛於身。厥逆上衝。中氣實而不

外泄。因有所用力。腠理開。風寒舍於皮膚之內。分肉

之間。而發。發則陽氣盛。陽氣盛而不衰。則病矣。其氣

不及於陰。新校正云。按全元起本。及太素作不反之陰。巢元方作不及之陰。故但熱而不寒。氣內

藏於心。而外舍於分肉之間。令人消燦脫肉。故命曰

瘧瘧。帝曰善。

刺瘡篇第三十六

新校正云按全元起本在第六卷

足太陽之瘡令人腰痛頭重寒從背起

足太陽脈從顛入絡腦還出別下項循肩髀內

俠脊抵腰中其支別者從髀內左右別下貫胛過髀樞故令腰痛頭重寒從背起

新校正云按三部九候論注貫胛作貫髀刺腰痛注亦作貫髀厥論注作貫胛

先寒後熱焯焯喝喝然焯焯其熱狀喝喝亦熱盛也太陽

也熱止汗出難已熱生是為氣虛熱止則為氣復氣復而汗反出此為邪

乙經太素巢元方並作先寒刺郄中出血太陽之郄是謂金門金門在足

後熱渴渴止汗出與此文異刺郄中出血外踝下一名曰關梁陽維所別

屬也刺可入同身寸之三分若灸者可灸三壯黃帝中詰圖經云委中主之則

古法以委中為郄中也委中在膕中央約文中動脈足太陽脈之所入也刺可

入同身寸之五分留七呼若灸者可灸三壯新校正云足少陽之瘡令

身體解休次如下句寒不甚熱不甚陽氣未盛惡見人見

人心惕惕然故惡見人見人心惕惕然也熱多汗出甚邪盛則熱多

刺足少陽俠谿主之俠谿在足小指次指歧骨間本節前陷者中少

明之瘡令人先寒洒淅洒淅寒甚又乃熱熱去汗出

喜見日月光火氣乃快然陽虛則外先寒陽虛極則復盛故寒甚

陰故喜見日月光刺足陽明跗上衝陽穴也在足跗上同身寸之五寸骨

火氣乃快然也足太陰之瘡令人不樂好大息流於

之原刺可入同身寸之三分留十呼若灸者可灸三壯

肺則喜今脾藏受病心母救之火氣下入於脾不上行於肺又不嗜食多

太陰脈支別者復從胃上鬲注心中故令人不樂好大息也

寒熱汗出脾主化穀營助四傍今邪薄之諸藏无稟土寄四季王則邪氣

足太陰三字据甲乙補

龍故嘔吐甚多寒熱也腎為陰藏陰氣生寒今陰氣不足故熱多寒少新校正云按甲乙經云嘔吐甚多寒少熱欲閉戶牖而處

其病難已胃陽明脉病欲獨閉戶牖而處今謂胃土病證反見腎水之中

街中少陰絡也刺可入同身寸之二分留七呼若灸者可灸三壯太谿在足內踝後

跟後衝中刺腎痛篇注作跟後街中動脉水穴注云在內踝後此注云內踝後

以甲乙經為正足厥陰之瘡令人腰痛少腹滿小便不利

如瘡狀非瘡也數便意恐懼氣不足腹中悒悒足厥陰脉循股

陰入髻中環陰器抵少腹故病如是瘡謂不得小便也悒悒不暢之貌

在足大指本節後同身寸之二寸陷者中厥陰俞也刺可入同身寸之三分留

十呼若灸者可灸三壯也新校正云按刺腰痛篇注云在本節後內間動脉

應手肺瘡者令人心寒寒甚熱熱間善驚如有所見者刺

手太陰陽明列缺主之列缺在手腕後同身寸之一寸半手太陰絡也刺可

合谷在手大指次指岐骨間手陽明脉之所過也刺可入同身寸之三分留六呼若灸者可灸三壯心瘡者令人煩心甚

欲得清水反寒多不甚熱刺手少陰神門主之神門在掌後

陰俞也刺可入同身寸之三分留七呼若灸者可灸三壯新校正云按太素云欲得清水及寒多寒不甚熱甚也肝瘡者令人色

蒼蒼然太息其狀若死者刺足厥陰見血中封主之中封

身寸之一寸半陷者中仰足而取之伸足乃得之足厥陰經也刺脾瘡者

出血止常刺者可入同身寸之四分留七呼若灸者可灸三壯脾瘡者

令人寒腹中痛熱則腸中鳴鳴已汗出刺足太陰商丘

腰脊痛宛轉大便難目眴眴然手足寒刺足太陽少陰

胃瘡者令人且病也善飢而不能食食而

支滿腹大胃熱脾虛故善飢而不能食食而支滿腹大也是以下文兼刺太陰刺足陽

太鍾主之取如前足少陰瘡中法

明太陰橫脉出血

厲兌解谿三里主之厲兌在足太指次指之端去爪甲如韭葉陽明井也刺可入同身寸之一分留一呼若灸者可灸一壯解谿在衝陽後同身寸之三寸半腕上陷者中陽明經也刺可入同身寸之五分留五呼若灸者可灸三壯三里在膝下同身寸之三寸解谿外廉兩筋肉分間陽明合也刺可入同身寸之一寸留七呼若灸者可灸三壯然足陽明取此三穴是太陰刺其橫脉出血也橫脉謂足內踝前斜過大脉則太陰之經脉也

新校正云詳解谿在衝陽後三寸半按甲乙經一寸半氣穴論注二寸半瘧發身方熱刺跗上動

脉則陽明之脉也開其空出其血立寒陽明之脉多血多氣熱盛氣壯故出其血而立可寒也瘧方

欲寒刺手陽明太陰足陽明太陰亦謂開穴而出其血也當隨井俞而刺之也

瘧脉滿大急刺背俞用中鍼傍伍腧俞各一適肥瘦

出其血也瘦者淺刺少出血肥者深刺多出血背俞謂大杼五腧俞謂譙譙瘧脉小實急灸脛少

陰刺指井灸脛少陰是謂復留復留在內踝上同身寸之二寸陷者中足少陰經也刺可入同身寸之三分留三呼若灸者可灸五壯刺指井謂刺至陰至陰在足小指外側去爪甲角如韭葉足太陽井也刺可入同身寸之一分留五呼若灸者可灸三壯瘧脉滿大急

刺背俞用五腧俞背俞各一適行至於血也謂調適肥瘦穴度深淺循三備法而行鍼令至於血脉也背俞謂大杼五腧俞謂譙譙主之新校正云詳此條從瘧脉滿大至此注終文注共五十五字當從刪削經文與次前經文重復王氏

隨而注之別無義例不若士安之精審不復出也瘧脉緩大虛便宜用藥否宜用鍼緩者大為氣實虛者血虛血虛氣實風又攻之凡治瘧先發如食頃乃可

以治過之則失時也先其發時真邪異居波龍不起故可治過時則真邪相合攻之則反傷真氣故曰失時新校

正云詳從前瘧脉滿大至此全元起本在第四卷中王氏移續於此也

諸瘧而脉不見刺十指閒出血血去必已先視身之赤如小豆者盡取之十二瘧

者其發各不同時察其病形以知其何脉之病也隨其形證

而病脉可知先其發時如食頃而刺之一刺則衰二刺則知

三刺則已不已刺舌下兩脉出血釋具下文不已刺郄中盛經

下

下

下

下

下

下

出血又刺項已下俠脊者必已。並足太陽之脈氣也。郄中則委中也。俠脊者謂大杼風門熱府。

穴也。大杼在項第一椎下兩傍。相去各同身寸之一寸半。陷者中。刺可入同身寸之三分。留七呼。若灸者可灸五壯。風門熱府在第二椎下兩傍。各同身寸之一寸半。刺可入同身寸之五分。留七呼。若灸者可灸五壯。新校正云。詳大杼穴灸五壯。按甲乙經作七壯。氣穴論注作七壯。刺熱論及熱穴注並作五壯。

舌下兩脉者廉泉也。廉泉穴名在頷下。結喉上。舌本下。陰維任脉之會。刺可入同身寸之三分。留三呼。若灸者可灸

三壯。刺瘡者必先問其病之所先發者先刺之。先頭痛及

重者先刺頭上及兩額兩眉間出血。頭上謂上星百會兩額謂懸顱兩眉間謂攢竹

也。等穴也。先項背痛者先刺之。項風池風府主之。背大杼神道主之。先腰脊痛者先

刺郄中出血。先手臂痛者先刺手少陰陽明十指間。

新校正云。按別本作手陰陽。全本亦作手陰陽。先足脛痠痛者先刺足陽明十指間

出血。各以邪居之所而脫寫之。風瘡瘡發則汗出惡風刺三陽經背俞

之血者。三陽太陽也。新校正云。按甲乙經云。足三陽筋痠痛甚。按之不可名曰附髓

病以鏡鍼絕骨出血立已。陽輔穴也。取如氣穴論中府俞法。身體小痛刺至

陰。新校正云。按甲乙經無至陰二字。諸陰之井無出血。閒日一刺。諸井皆在指端足少陰井在足

心宛宛中。瘡不渴閒日而作。刺足太陽。新校正云。按九卷云。足陽明太素同。渴而閒

日作。刺足少陽。新校正云。按九卷云。手少陽太素同。溫瘡汗不出為五十九刺。

自胃瘡下至此。尋黃帝中誥圖經所主。或有不與此文同。應古之別法也。

氣厥論篇第三十七。新校正云。按全元起本。在第九卷。與厥論相併。

黃帝問曰。五藏六府寒熱相移者何。岐伯曰。腎移寒

於肝。癰腫少氣。肝藏血。然寒入則陽氣不散。陽氣不散則血聚氣澀。故為癰腫。又為少氣也。新校正云。按全元起本云。腎移

寒於脾。元起注云。腎傷於寒而傳於脾。脾主肉。寒生於肉。則結為堅。堅化為膿。故為癰也。血傷氣少。故曰少氣。甲乙經亦作移寒於脾。王因誤本。遂解為肝。亦

太素肝作脾
癰作癰

智者之失也。脾移寒於肝，癰腫筋攣。脾藏主肉，肝藏主筋，肉溫則筋舒，肉冷則筋急，故筋攣也。肉寒則衛氣結聚，故為癰腫。

肝移寒於心，狂隔中。心為陽藏，神處其中，寒薄之則神亂，離為癰腫，故狂也。陽氣與寒相薄，故隔塞而中不通。

心移寒於肺，肺消者，飲一溲二，死不治。心為陽藏，反受通也。乃移於肺，寒隨心火，內鑠金精，金受火邪，故中消也。然肺藏消鑠，氣無所持，故令飲一而溲二也。金火相賊，故死不能治。

肺移寒於腎，為涌水，涌水者，按腹不堅，水氣客於大腸，疾行則鳴濯。

濯如囊裹漿，水之病也。肺藏氣，腎主水，夫肺寒入腎，腎氣有餘，腎氣有餘，則上奔於肺，故云涌水也。大腸為肺之府，然肺腎俱為寒薄，上下皆無所之，故水氣客於大腸也。腎受凝寒，不能化液，大腸積水而不流通，故其疾行則腸鳴而濯濯有聲，如囊裹漿而為水病也。

脾移熱於肝，則為驚衄。肝藏血，又主驚，故熱之病也。作治主肺者，新校正云：按甲乙經，水出，肝移熱於心，則死。

兩陽和合，火木相燔，故肝熱入心，則當死也。陰陽別論曰：肝之心，謂之生陽，生陽之屬，不過四日而死。

心移熱於肺，傳為鬲消。心肺兩新校正云：按陰陽別論之文，義與此殊。王氏不當引彼誤文，附會此義。

斜鬲膜，鬲膜下際，內連於橫膈膜，故心熱入肺，久傳化內為鬲熱，消渴而多飲也。

肺移熱於腎，傳為柔痊。筋柔而無力，痊謂骨疼而不隨，氣骨皆熱，髓不內充，故骨疼強而不舉，筋柔緩而無力也。

腎移熱於脾，傳為虛腸。避死不可治。脾土制水，腎反移熱以與之，是脾土不能制水而受病，故久精氣內消，下焦無主以守持，故腸辟除而氣不禁止。

胞移熱於膀胱，則瘡溺血。膀胱為津液之司，故熱入膀胱，胞中外熱，陰絡內溢，故不得小便。而溺血也。正理論曰：熱在下焦，則溺血，此之謂也。

膀胱移熱於小腸，鬲腸不便，上為尸糜。小腸脈絡心循咽下，隔抵胃屬小腸，故受熱以下令小腸移熱於大腸，為虛瘕為沈。

大腸移熱於胃，善食而瘦入謂之食亦。胃為水穀之海，其氣外養肌肉，熱消水穀，又鑠肌肉，故善食而瘦入也。食亦者，謂食入移易而過，不生肌膚也，亦易也。

胃移熱於膽，亦曰食亦。乙經入作又，王氏注云：善食而瘦入也。殊為無義，不若用乙經作又，讀連下文。

黃連

黃連

黃連

黃連

黃連

黃連

黃連

奇云虛字衍

膽移熱於腦則辛頰鼻淵鼻淵者濁涕下不止也。腦液下滲

則為濁涕涕下不止如彼水泉故曰鼻淵也頰謂鼻頰也足太陽脉起於目内眦上額交巔上入絡腦足陽明脉起於鼻交頰中傍約太陽之脉今腦熱則足

太陽逆與陽明之脉俱盛薄於頰中故鼻頰辛也辛謂酸痛故下文曰傳為衄衄瞑目。以足陽明脉交頰中傍約太陽之脉

故耳熱盛則陽絡溢陽絡溢則衄出汗血也衄謂汗血也故得之氣厥也。血出其陽明太陽脉衰不能榮養於目故目瞑瞑暗也

厥者氣逆也皆由氣逆而得之

欬論篇第三十八 新校正云按全元起本在第九卷

黃帝問曰肺之令人欬何也岐伯對曰五藏六府皆

令人欬非獨肺也帝曰願聞其狀岐伯曰皮毛者肺

之合也皮毛先受邪氣邪氣以從其合也。邪謂寒氣其寒飲

食入胃從肺脉上至於肺則肺寒肺寒則外內合邪

因而客之則為肺欬。肺脉起於中焦下絡大腸還循胃口上屬肺故云從肺脉上至於肺也五藏各

以其時受病非其時各傳以與之。時謂王月也非王月則不受邪故各傳以與之人與

天地相參故五藏各以治時感於寒則受病微則為

欬甚者為泄為痛。寒氣微則外應皮毛內通肺故欬寒氣甚則入於內內裂則痛入於腸胃則泄痢乘秋則

肺先受邪乘春則肝先受之乘夏則心先受之乘至

陰則脾先受之乘冬則腎先受之。以當用事之時故先受邪氣

素无乘秋則三字疑此文誤多也帝曰何以異之。欲明其證也岐伯曰肺欬之狀欬

而喘息有音甚則唾血。肺藏氣而應息故欬則喘息而喉中有聲甚則肺絡逆故唾血也心欬之狀

欬則心痛喉中介介如梗狀其則咽腫喉痺。手主脉起於胃中出屬心包

少陰之脉起於心中出屬心系其支別者從心系上俠咽喉故病如是肝欬

太素無乘秋則三字有黃帝曰五藏之欬奈何岐伯曰五藏之久欬乃移於府五句心先受之以下乘字並無

新校正云按甲乙經介介如梗狀作喝喝又少陰之脉上俠咽不言俠喉肝欬

之狀。欬則兩脇下痛。甚則不可以轉。轉則兩胠下滿。
足厥陰脉上貫臍布脇肋循喉龍之後故如是。胠亦脇也。脾欬之狀。欬則右脇下痛。陰陰引

肩背。甚則不可以動。動則欬劇。
足太陰脉上貫臍。臍俠咽。其支別者復從胃別上臍。故病如是也。脾氣連肺。故痛引肩背也。脾氣主右。故右胠下陰陰然深慢痛也。腎欬之狀。欬則腰背相引而痛。

甚則欬涎。
足少陰脉上股內後廉。貫脊屬腎。絡膀胱。其直行者從腎上貫臍。入肺中。循喉龍俠舌本。又膀胱脉從肩膊內別下俠脊抵腰中。入循督絡。腎故病如是。帝曰：六府之欬奈何？安所受病？岐伯曰：五

藏之久欬，乃移於六府。脾欬不已，則胃受之。胃欬之
狀，欬而嘔。嘔甚則長蟲出。
脾與胃合。又胃之脉循喉龍入缺盆下臍。屬胃。絡脾。故脾欬不已。胃受之也。胃

寒則嘔。嘔甚則腸肝欬不已，則膽受之。膽欬之狀，欬嘔膽汁。
肝與膽合。又膽之脉從缺盆以下。貫臍絡肝。故肝欬不已。膽受之也。膽氣好逆。故嘔温苦汁也。肺欬不已，則大腸受

之。大腸欬狀，欬而遺矢。
肺與大腸合。又大腸脉入缺盆。絡肺。故肺欬不已。大腸受之。大腸為傳送之府。故寒入則

氣不禁焉。
新校正云：按甲乙經遺失作遺矢。心欬不已，則小腸受之。小腸欬狀，欬而
失氣。氣與欬俱失。
心與小腸合。又小腸脉入缺盆。絡心。故心欬不已。小腸受之。小腸寒盛。氣入大腸。欬則小腸氣下奔。故失

也。腎欬不已，則膀胱受之。膀胱欬狀，欬而遺溺。
腎與膀胱合。又內。俠脊抵臍中。入循督絡。腎屬膀胱。故腎欬不已。膀胱受之。膀胱為津液之府。是故遺溺。久欬不已，則三焦受之。

三焦欬狀，欬而腹滿，不欲食飲。此皆聚於胃，關於肺。
使人多涕唾，而面浮腫，氣逆也。
三焦者，非謂手少陽也。正謂上焦中焦耳。向者上焦者，出於胃

上口並咽以上。貫臍布胃中。走腋中。焦者亦至於胃口。出上焦之後。此所受氣者。必糟粕蒸津液。化其精微。上注於肺脉。乃化而為血。故言皆聚於胃。關於肺也。兩焦受病。則邪氣熏肺。而肺氣滿。故使人多涕唾。而面浮腫。氣逆也。腹滿不欲食者。胃寒故也。胃脉者從缺盆下乳內廉。下循腹至氣街。其支者復從胃下口循腹裏至氣街中而合。今胃受邪。故病如是也。何以明其不謂下焦。然下焦者別於回腸。注於膀胱。故水穀者常并居於胃中。盛糟粕而俱下於大腸。泌別

汁循下焦而滲入膀胱尋此行化乃與胃口懸遠故不謂此也。新校正云按甲乙經胃脉下循腹作下俠臍帝曰治之柰何。

岐伯曰治藏者治其俞治府者治其合浮腫者治其

經諸藏俞者昆脉之所起第三九諸府合者皆脉之所起第六九也經者藏脉之所起第四九府脉之所起第五九靈樞經曰脉之所注為俞前所行為經所入為合此之謂也帝曰善。

重廣補注黃帝內經素問卷第十

瘧論熇火沃切瀉鹿音弭絲婢切刺瘧論渴音悒於急切眴舜音

氣厥論瘞音熾糜武悲切慮音復賤莫結切欬論虻音回

重廣補注黃帝內經素問卷第十一

啓亨次注林億孫音高保衡等奉敕校正孫兆重改誤

舉痛論 腹中論

刺要痛篇

舉痛論篇第三十九新校正云按全元起本在第三卷名五藏舉痛所以名舉痛之義未詳按本篇乃黃帝問五藏

卒痛之疾疑舉乃卒字之誤也

黃帝問曰余聞善言天者必有驗於人善言古者必有合於今善言人者必有厭於己如此則道不惑而要數極所謂明也

善言天者言天四時之氣溫涼寒暑生長收藏在入形氣五藏參應可驗而指示善惡故曰必有驗於人

善言古者謂言上古聖人養生損益之迹與今養生損益之理可合而與論成敗故曰必有合於今也善言人者謂言形骸骨節更相枝拄筋脉束絡皮肉包

裏而五藏六府次居其中。假七神五藏而運用之。氣絕神去。則之於死。是以知彼浮形不能堅久。靜慮於已。亦與彼同。故曰必有厭於已也。夫如此者。是知道要數之極。悉無疑惑。深明至理。而乃能然矣。今余問於夫子。令言而可知。視而可

見。捫而可得。令驗於已。而發蒙解惑。可得而聞乎。言如發開

童蒙之耳。解於疑惑者之。必令一一條。理。而目視手循。驗之可得。捫猶循也。岐伯再拜稽首對曰。何道

之間也。請示問端也。帝曰。願聞人之五藏卒痛。何氣使然。岐伯

對曰。經脉流行不止。環周不休。寒氣入經。而稽遲泣

而不行。客於脉外。則血少。客於脉中。則氣不通。故卒

然而痛。帝曰。其痛或卒然而止者。或痛甚不休者。或

痛甚不可按者。或按之而痛止者。或按之無益者。或

喘動應手者。或心與背相引而痛者。或脇肋與少腹

相引而痛者。或腹痛引陰股者。或痛宿昔而成積者。

或卒然痛死不知人。有少間復生者。或痛而嘔者。或

腹痛而後泄者。或痛而閉不通者。凡此諸痛。各不同

形。別之奈何。欲明異候之所起。岐伯曰。寒氣客於脉外。則脉寒。脉

寒則縮踈。縮踈則脉絀急。則外引小絡。故卒然而痛。

得見則痛立止。脉左右環。故得寒則縮踈。而絀急。縮踈絀急。則衛氣不

不縱。故痛生也。得熱則衛氣復行。寒氣退辟。故痛止。見熱也。止已也。因重中於寒。則痛久矣。重寒難釋。故

寒氣客於經脉之中。與見氣相薄。則脉滿。滿則痛而

不可按也。按之痛甚者。其義具下文。寒氣稽留。見氣從上。則脉充大而

血氣亂。故痛甚不可按也。脉既滿大。血氣復亂。按之則邪氣攻內。故不可按也。寒氣客於

腸胃之間膜原之下血不得散小絡急引故痛按之

則血氣散故按之痛止膜謂鬲間之膜原謂鬲背之原血不得散謂鬲

生也手按之則寒氣散小絡緩故痛止寒氣客於俠脊之脉則深按之不能及

故按之無益也俠脊之脉者當中督脉也次兩傍足太陽脉也督脉者

則脊節曲按兩傍則脊筋蹙合曲與蹙合皆衛氣不得行過寒氣益聚而內畜故按之無益寒氣客於衝脉衝脉

起於關元隨腹直上寒氣客則脉不通脉不通則氣

因之故喘動應手矣衝脉奇經脉也關元穴名在齊下三寸言起自

起於腎下也直上者謂上行會於咽喉也氣因之謂衝脉不通寒氣客於

背俞之脉則脉泣脉泣則血虛血虛則痛其俞注於

心故相引而痛按之則熱氣至熱氣至則痛止矣背俞謂心

俞脉亦足太陽脉也夫俞者皆內通於藏故曰其俞注於心寒氣客於厥

陰之脉厥陰之脉者絡陰器繫於肝寒氣客於脉中

則血泣脉急故脇肋與少腹相引痛矣厥陰者肝之脉入鬲中環陰器抵少腹上

貫肝鬲布脅肋故曰絡陰器繫於肝厥氣客於陰股寒氣上及少腹

血泣在下相引故腹痛引陰股亦厥陰肝脉之氣也以其脉循陰

厥氣客於陰股寒氣上及於少腹也寒氣客於小腸膜原之間絡血之中血

泣不得注於大經血氣稽留不得行故宿昔而成積矣

言血為寒氣之所凝結而乃成積寒氣客於五藏厥逆上泄陰氣竭陽氣未

入故卒然痛死不知人氣復反則生矣言藏氣被寒擁胃而

也新校正云詳注寒氣客於腸胃厥逆上出故痛而嘔也

中擁胃疑作擁胃

腸胃客寒留止則陽氣不得下流而反上行寒不去則痛生陽上行則嘔逆故痛而嘔也寒氣客於小腸小腸不

得成聚故後泄腹痛矣小腸為受盛之府中滿則寒邪不居故不得

之府物不得停留故後泄而痛熱氣留於小腸腸中痛瘴熱焦渴則堅乾

不得出故痛而閉不通矣熱滲津液故便堅也帝曰所謂言而可知

者也視而可見奈何謂候色也岐伯曰五藏六府固盡有部

謂面上之分部視其五色黃赤為熱中熱則色黃赤白為寒陽氣少血不上榮於色故白青

黑為痛血凝泣則變惡故色青黑則痛此所謂視而可見者也帝曰捫而可

得奈何捫摸也以手循摸也岐伯曰視其主病之脉堅而血及陷下

者皆可捫而得也帝曰善余知百病生於氣也夫氣之為用虛實逆順緩急皆能為病故發此問端怒則氣上喜則氣緩悲則氣消恐則氣下

寒則氣收只則氣泄驚則氣亂新校正云按太素驚作憂勞則氣耗思

則氣結九氣不同何病之生岐伯曰怒則氣逆甚則

嘔血及殞泄新校正云按甲乙經及太素殞泄作食而氣逆故氣上矣怒則陽氣逆上而肝氣乘脾故甚則嘔血及殞

泄也何以明其然怒則面赤甚則色蒼靈樞經曰盛怒而不止則傷志明怒則氣逆上而不下也喜則氣和志達榮

衛通利故氣緩矣氣脉和調故志達暢榮衛通利故氣徐緩悲則心系急肺布葉

舉而上焦不通榮衛不散熱氣在中故氣消矣布葉謂布蓋之

大葉新校正云按甲乙經及太素而上焦不通作兩焦不通又王注肺布葉舉謂布蓋之大葉疑非全元起云悲則損於心心系急則動於肺肺氣繫諸經

逆故肺布而葉舉安得謂肺布為肺布蓋之大葉恐則精却却則上焦閉閉則氣還還

則下焦脹故氣不行矣恐則陽精却上而不下流故却則上焦閉也

而聚為脹也然上焦固禁下焦氣還各守一處故寒則腠理閉氣不行

氣不行也新校正云詳氣不行當作氣下行也

故氣收矣。

腠謂津液滲泄之所。理謂文理逢會之中。閉謂密閉。氣謂衛氣行。謂流行收謂收斂也。身寒則衛氣沈。故皮膚文理及滲泄之處。

皆閉密而氣不流行。衛氣收斂於中而不發散也。新校正云。按甲乙經。氣不行作營衛不行。只則腠理開。榮衛通汗。

大泄故氣泄。

人在陽則舒。在陰則慘。故熱則膚腠開。發榮衛大通。津液外滲。而汗大泄也。驚則心無所倚。

神無所歸。慮無所定。故氣亂矣。

氣奔越故不調理。新校云。按太素。驚作憂。勞則

喘息汗出。外內皆越。故氣耗矣。

疲力役則氣奔速。故喘息。氣奔速則陽外發。故汗出。然喘且汗

出。內外皆踰越於常紀。故氣耗損也。思則心有所存。神有所歸。正氣留而不行。

故氣結矣。

擊心不散。故氣亦傳留。新校正云。按甲乙經。歸正二字作止字。

腹中論篇第四十

新校正云。按全元起本。在第五卷。

黃帝問曰。有病心腹滿。且食則不能暮食。此為何病。

歧伯對曰。名為鼓脹。

心腹脹滿。不能再食。形如鼓脹。故名鼓脹也。新校正云。按太素。鼓作穀。

帝曰。治

之奈何。歧伯曰。治之以雞矢醴。一劑知。二劑已。

按古本草。雞矢

並不治鼓脹。惟大利小便。微寒。今方制法。當取用處湯瀆服之。

帝曰。其時有復發者。何也。

復謂再發言如

也。舊本曰。此飲食不節。故時有病也。雖然其病且已時。

故當病氣聚於腹也。

飲食不節。則傷胃。胃脈者循腹裏而下。故飲食不節。時有病者。復病氣聚於腹中也。帝

曰。有病胃脇支滿者。妨於食。病至則先聞腥臊臭。出

清液。先唾血。四支清。目眩。時時前後血。病名為何。何

以得之。

清液。清水也。亦謂之清涕。清涕者。謂從竅漏中。漫液而下水。出清冷也。眩。謂目視眩轉也。前後血。謂前陰後陰出血也。

歧伯

曰。病名血枯。此得之年少時。有所大脫血。若醉入房。

中氣竭。肝傷。故月事衰少不來也。

出血多者。謂之脫血。漏下。鼻衄。嘔吐。出血皆同焉。夫醉則

血脈盛。血脈盛則內熱。因而入房。髓液皆下。故腎中氣竭也。肝藏血。以少大脫血。故肝傷也。然於丈夫。則精液衰。女子則月事衰。少而不來。帝曰。

治之奈何復以何術歧伯曰以四烏鯁骨一蘆茹二
 物并合之丸以雀卵大如小豆以五丸為後飯飲以
 鮑魚汁利腸中新校正云按別本一作傷中及傷肝也飯後藥先謂之後飯按古本草經云烏鯁魚骨

蘆茹等並不治血枯然經法用之是攻其所生所起爾夫醉勞力以入房則腎中精氣耗竭月事衰少不至則中有惡血淹留精氣耗竭則陰萎不起而無精味鹹冷平無毒主治女子血閉蘆茹味辛寒平有小毒主散惡血雀卵味甘温平無毒主治男子陰萎不起強之令熱多精有子鮑魚味辛臭温平無毒主治瘀血血痺在四肢不散者尋文會意方義如此而處治之也新校正云按甲乙經及太素蘆茹作藺茹詳王注性味乃藺茹當改蘆茹作藺茹又按本草烏鯁魚骨冷作微温雀卵甘作酸與王注異

帝曰病有少腹盛上下左右皆有根此為何病可治不歧伯曰病名曰伏梁伏梁心之積也新校正云詳此伏梁與心積之伏梁大異病有名同而實異者非一如此之類是也帝曰伏梁

何因而得之歧伯曰裹大膿血居腸胃之外不可治

甲乙無治之二字似是

治之每切按之致死帝曰何以然歧伯曰此下則因陰必下膿血上則迫胃脘生鬲俠胃脘內癰正當衝脈帶脈之部分也帶脈者起於季脇迴身一周橫絡於齊下衝脈者與足少陰之絡起於腎下出於氣街循陰股其上行者出齊下同身寸之三寸關元之分俠齊直上循腹各行會於咽喉故病當其分則少腹盛上下左右皆有根也以其上下堅盛如有潛梁故曰病名伏梁不可治也以裹大膿血居腸胃之外按之痛悶不堪

故每切按之致死也以衝脈下行者絡陰上行者循腹故也上則迫近於胃脘下則因薄於陰器也若因薄於陰則便下膿血若迫近於胃則病氣上出於鬲復俠胃脘內長其癰也何以然哉以本有大膿血在腸胃之外此又病也故也生當為出傳文誤也新校正云按太素俠胃作使胃

難治居齊上為逆居齊下為從勿動亟奪若裹大膿血居齊上則漸傷心論在刺法中今經藏故為逆居齊下則去心稍遠猶得漸攻故為從從順也亟數也奪去也言不可移動但數數去之則可矣

帝曰人有身體髀股筋皆腫環齊而痛是為何病歧伯曰病名伏梁此二十六字錯簡在奇病論中若不有此二十六字則下文無據也新校正云詳此並無注解盡在下卷奇

病論 此風根也。此四字此篇本有奇病論中亦有之其氣溢於大腸而著於育

育之原在齊下故環齊而痛也不可動之動之為水

溺瀆之病。亦衝脉也齊下謂臍臑在齊下同身寸之二寸半靈樞經曰育之原名曰臍臑帝曰夫子數言

熱中消中不可服高粱芳草石藥石藥發瘕芳草發

狂。多飲數復謂之熱中多人食數復謂之消中多喜曰瘕多怒曰狂夫熱中消中者皆富貴人

也今禁高粱是不合其心禁芳草石藥是病不愈願

聞其說。熱中消中者脾氣之上溢甘肥之所致故禁食高粱芳草之美也通評於口藏於胃脾為之行其精氣津液在脾故令入口甘此肥美之所發也此人必

數食甘美而多肥也肥者令人內熱甘者令人中滿故其氣上溢轉為消渴此之謂也夫富貴人者驕恣縱欲輕久而無能禁之禁之則逆其志順之則加其病帝

思難詰故發問之高膏梁米也石藥英乳也芳草濃美也然此五者富貴人常服之難禁也

歧伯曰夫芳草之氣美石藥之氣悍二者其氣急

疾堅勁故非緩心和人不可以服此二者。脾氣溢而生病氣美則重盛於

脾消熱之氣躁疾氣悍則又滋其熱若人性心緩氣候舒勻不與物爭釋然寬泰則神不躁迫無懼內傷故非緩心和人不可以服此二者悍利也堅定也

固也勁剛也言其芳草石藥之氣堅定固久剛烈而卒不歇滅此二者是也帝曰不可以服此二者何

以然歧伯曰夫熱氣慄悍藥氣亦然二者相遇恐內

傷脾。慄疾也脾者土也而惡木服此藥者至甲乙日更論

熱氣慄盛則木氣內餘故心非和緩則躁怒數起躁怒數起則熱氣因木以傷脾甲乙為木故至甲乙日更論脾病之增減也帝曰善有

病膺腫。新校正云按甲乙經作癰腫頸痛胃滿腹脹此為何病何以得之

膺胃傍也頸項前也膺膺間也歧伯曰名厥逆。氣逆所生故名厥逆帝曰治之柰何歧伯

曰灸之則瘖石之則狂須其氣并乃可治也。石謂以石鍼開破之

帝曰何以然歧伯曰陽氣重上有餘於上灸之則陽

氣入陰入則瘖石之則陽氣虛虛則狂。灸之則火氣助陽盛故入陰石之則陽

氣出陽氣出則內不足故狂。治若不爾而灸石之則偏致須其氣并而治之可使全也。并謂并合也待自并合則兩氣俱全故可

伯曰身有病而無邪脉也。病謂經閉也脉法曰尺中之脉來而斷絕者經閉也月水不利若尺中脉絕者

經閉也。今病經閉脉反如常者婦人娠之證故云身有病而無邪脉。

帝曰病熱而有所痛者何也。

岐伯曰病熱者陽脉也以三陽之動也人迎一盛少

陽二盛太陽三盛陽明入陰也夫陽入於陰故病在

頭與腹乃臘脹而頭痛也帝曰善。新校正云按六節藏象論云人迎一盛病在少陽二盛病在太

陽三盛病在陽明與此論同又按甲乙經三盛陽明無入陰也三字

刺脊痛篇第四十一 新校正云按全元起本在第六卷

脊抵脊中別下貫鬲故令人腰痛引項脊尻背如重狀也。新校正云按甲乙經貫鬲作貫脾刺瘡注亦作貫脾三部九候注作貫鬲刺其郄中

甲乙重作腫是

足太陽脉令人腰痛引項脊尻背如重狀。足太陽脉別下

太陽正經出血春無見血。郄中委中也。在膝後屈處臑中央約文

少陽令人腰痛如以鍼

刺其皮中循循然不可以俛仰不可以顧。足少陽脉遠髻際橫入髀厭中

故令腰痛如以鍼刺其皮中循循然不可俛仰少陽之脉起於目銳眦上抵頭角下耳後循頸行手陽明之前至肩上交出手少陽之後其支別者目銳眦下

入大迎合手少陽於頰下加頰車下頸合缺盆故不可以顧。刺少陽成骨

之端出血成骨在膝外廉之骨獨起者夏無見血。成骨謂膝

外近下筋骨上端兩起骨相並間陷容指者也。筋骨所成柱膝髀。陽明令人

要脊痛不可以顧顧如有見者善悲。足陽明脉起於鼻交頰中下循

下交承漿却循頤後下廉出大迎其支別者從大迎前下入迎循喉嚨入缺盆又其支別者起胃下口循腹裏至氣街中而合以下解故令人腰痛不可顧顧如有見者陽虛故悲也刺陽明於筋前三疔上下和之出血秋無見

血按內經中誥流注圖經陽明脉穴俞之所主此腰痛者悉刺筋前三疔則正身寸之一寸留七呼若灸者可灸三壯陽明合脾脾王長夏土衰於秋故秋無見血新校正云按甲乙經筋作筋足少陰令人腰

痛痛引脊內廉足少陰脉上股內後廉貫脊屬腎故令人腰痛痛引脊素亦同此前少足太陰腰痛證刺少陰於內踝上三疔春無見血

并刺足太陰法應古文脫簡也刺少陰於內踝上三疔春無見血

出血太多不可復也按內經中誥流注圖經少陰脉穴俞所主此覺

後上同身寸之二寸動脉陷者中刺可入厥陰之脉令人腰痛腰中

同身寸之三分留三呼若灸者可灸五壯厥陰之脉令人腰痛腰中

如張弓弩弦足厥陰脉自陰股環陰器抵少腹其支別者與太陰少陽結

則中如張弓弩之弦也刺厥陰之脉在臑踵魚腹之外循

之累累然乃刺之臑踵者言脉在臑外側下當足跟也臑形勢如卧魚

刺出之此正當臑溝穴分足厥陰之絡在內踝上五寸別走少陽者刺可入同

身寸之二分留三呼若灸者可灸三壯厥陰一經作居陰是傳寫草書厥字為

居也新校正云按經云厥陰之脉令人腰痛次言刺厥陰之其病令人

善言默默然不慧刺之二疔厥陰之脉循喉嚨之後上入頤頤絡

不爽慧也三刺其處腰痛乃除新校正云按經云善言默默然不慧詳善言

與默默二病難相兼全元起本無善字於義為允又按甲乙經厥陰之脉不絡

舌本王氏於素問之中五處引注而注厥論與刺熱及此三篇皆云解脉令

人腰痛痛引脊目眦眦然時遺洩也此足太陽之經起於目內眦

上額交巔上循脊膂俠脊抵胃中入循脊絡腎屬膀胱下入臑中故病斯候也

又其支別者從膂內別下貫脾循脾外後廉而下合於臑中兩脉如繩之解股

而盛滿者乃刺之當見黑血必候其血色變赤乃止血不變解脈令人腰赤極而寫之必行血色變赤乃止此太陽中經之為腰痛也

痛如引帶常如折腰狀善恐足太陽之別脈自肩而別下循背脊至腰而橫入髀外後廉而下合膕中

故若引帶如折腰之狀新校正云按甲乙經如引帶絆如刻多善恐作善怒也刺解脈在郄中結絡如黍

米刺之血射以黑見赤血而已郄中則委中穴是太陽合也在膝後屈處膕中央約文中動脈

刺可入同身寸之五分留七呼若灸者可灸三壯此經刺法也今則取其結絡大如黍米者當黑血箭射而出見血變赤然可止也新校正云按全元起云

有兩解脈病源各異恐誤未詳同陰之脈令人腰痛痛如小錘居其中怫

然腫足少陽之別絡也並少陽經上行去足外踝上同身寸之五寸乃別走厥陰並經下絡足跗故曰同陰脈也怫怒也言腫如噴怒也新校正

云按太素小錘作小鍼刺同陰之脈在外踝上絕骨之端為三痛絕骨之端

如前同身寸之三分陽輔穴也足少陽脈所行刺陽維之脈令人腰

痛痛上怫然腫陽維起於陽則太陽之所生奇經入脈此其一也刺陽維之脈

甲乙不可以恍惚作得俛不得仰為是

太陽合膕下間去地一尺所太陽所主與正經並行而上至膕下復與尺是則承光穴在銳膕腸下肉分間陷者中刺可入同身寸之七分若灸者可灸五壯以其取膕腸下肉分間故去合膕下間新校正云按穴之所在乃承

山穴非承光也衡絡之脈令人腰痛不可以俛仰仰則恐仆

得之舉重傷腰衡絡絕惡血歸之衡橫也謂太陽之外也絡自腰中橫入髀外後廉而下與

中經合於膕中者今舉重傷腰則橫絡絕中經獨盛故腰痛不可以俛仰矣一經作衡絕之脈傳寫魚魯之誤也若是衡脈中詰不應取太陽脈委陽筋門之

也刺之在郄陽筋之間上郄數寸衡居為二痛出血居

二穴謂委陽筋門平視橫相當也郄陽謂浮郄穴上側委陽穴也筋之間謂膝後膕上兩筋之間筋門穴也二穴各去膕下橫文同身寸之六寸故曰上郄數

寸也委陽刺可入同身寸之七分留五呼若灸者可灸三壯殷門刺可入同身寸之五分留七呼若灸者可灸三壯故曰衡居為二痛新校正云詳王氏去

浮郄穴上側委陽穴也按甲乙經委陽在浮郄穴下一寸不得言上側也

會陰之脈令人腰痛痛上漯

漯然汗出汗乾令人欲飲飲已欲走足太陽之中經也其脈循腰下會於後陰故曰會陰

三二

之脉其經自腰下行至足今陽氣大盛故痛上漉然汗出汗液既出則腎燥陰虛故汗乾令人欲飲水以救腎也水入腹已腎氣復生陰氣流行太陽又盛故飲水已反欲走也

刺直陽之脉上三疝在蹠上郄下五寸橫居視其盛者出血

直陽之脉則太陽之脉俠脊下行貫臑下至臍中下循臑過外踝之後條直而行者故曰直陽之脉也蹠為陽蹠所生申脉先在外踝下也郄下則臑下也言此刺處在臑下同身寸之五寸上承郄中之穴下當申脉之位是謂承筋穴即臑中央如外陷者中也太陽脉氣所發禁不可刺可灸三壯今去刺者謂刺其血絡之盛滿者也兩臑皆有太陽經氣下行當視兩臑中央有血絡盛滿者乃刺出之故曰視其盛者出血 新校正去詳上去會陰之脉令人腰痛此去刺直陽之脉者詳此直陽之脉即會陰之脉也文變飛而事不殊又承筋穴注去臑中央如外按甲乙經及骨空論注無如外二字

陽之脉令人腰痛痛上拂拂然甚則悲以恐

是陰維之脉也去內踝上同身寸之五寸臑分中並少陰經而上也少陰之脉前則陰維脉所行也足少陰之脉從腎上貫肝膈入肺中循喉嚨俠舌本其支別者從肺出絡心注胃中故甚則悲以恐也恐者生於腎悲者生於心 **刺飛陽之脉在內踝上五寸** 臣億等按甲乙經作二寸少陰之前與陰維之會 內踝後上同身寸之五寸復溜穴少陰脉所行刺可入同身寸之三分內踝之後築實穴陰維之郄刺可

入同身寸之三分若灸者可灸五壯少陰之前陰維之會以三脉會在此穴位分也刺可入同身寸之三分若灸者可灸五壯今中誥經文正同此法臣億等按甲乙經足太陽之絡別走少陰者名曰飛揚在外踝上七寸又去築實陰維之郄在內踝上臑分中復溜穴在內踝上二寸今此經注都與甲乙不合者疑經注中五寸字當作二寸 **昌陽之脉令人腰痛痛引膺目眈眈** 則素問與甲乙相應矣

然甚則反折舌卷不能言

陰蹠脉也陰蹠者足少陰之別也起於然骨之後上內踝之上直上循陰股入陰而循腹上入胃裏入缺盆上出人迎之前入頰內廉屬目內眥合於太陽陽蹠而上行故要痛之狀如此 **刺內筋為二疝在**

內踝上大筋前太陰後上踝二寸所

內筋謂大筋之前分肉也太陰後大筋前即陰蹠之郄交信穴也在內踝上同身寸之二寸少陰前太陰後筋骨之間陷者之中 **散脉**

令人腰痛而熱熱甚生煩腰下如有橫木居其中甚則

遺洩

散脉足太陰之別也散行而上故以名焉其脉循股內入腹中與少陰少陽結於腰髀下骨空中故病則腰下如有橫木居其中其乃遺洩也 **刺散脉在膝前骨肉分間絡外廉束脉為三疝** 謂膝前內側也

骨肉分謂膝內輔骨之下下廉腓肉之兩間也絡外廉則太陰之絡色青而見者也輔骨之下後有大筋擷束膝胛之骨令其連屬取此筋骨繫束之處脉以去其病是曰地機三刺而巳故曰束脉為之三瘡也

筋縮急 肉里之脉少陽所生則陽維之脉氣所發也里裏也 **刺肉里之脉為二瘡在太**

陽之外少陽絕骨之後 分肉主之一經去少陽絕骨之前傳寫誤也絕骨之前足少陽脉所行絕骨之後陽

維脉所過故指曰在太陽之外少陽絕骨之後也分肉穴在足外踝直上絕骨之端如後同身寸之二分筋肉分間陽維脉氣所發刺可入同身寸之

五分留十呼若灸者可灸三壯 新校正云按分肉之穴甲乙經不見與氣允注兩出而分寸不同氣允注二分作三分五分作三分十呼作七呼

腰痛上寒刺足太陽

郄中出血 郄中委中 新校正云按太素作頭沈沈然

上熱刺足厥陰不可以俛仰刺足少陽中熱而喘刺足

少陰刺郄中出血 此法玄妙中誥不同莫可窺測當用知其應不爾皆應先去血絡乃調之也 **腰痛上寒**

不可顧刺足陽明 上寒陰市主之陰市在膝上同身寸之三寸伏兔下陷者中足陽明脉氣所發刺可入同身寸之三分留

七呼若灸者可灸三壯不可顧三里主之三里在膝下同身寸之三寸肱外廉兩筋肉分間足陽明脉之所入也刺可入同身寸之一寸留七呼若灸者可灸

三壯 **上熱刺足太陰** 地機主之地機在膝下同身寸之五寸足太陰之郄也

按甲乙經 **中熱而喘刺足少陰** 涌泉太鍾悉主之涌泉在足心陷者中

可入同身寸之三分留三呼若灸者可灸三壯太鍾在足跟後街中動脉足少

陰之絡刺可入同身寸之二分留七呼若灸者可灸三壯 新校正云按刺瘡注太鍾在內踝後街中水穴論注在內踝後此注在跟後街

中動脉三注不同甲乙經亦云跟後衝中當從甲乙經為正 **大便難刺足**

少陰 涌泉主之 **少腹滿刺足厥陰** 太衝主之在足大指本節後內間同身

寸之二寸陷者中脉動應手足厥陰脉之所注也刺可入同身寸之三

分留十呼若灸者可灸三壯 **如折不可以俛仰不可以舉刺足**

太陽 如折束骨主之不可以俛仰京骨崑崙悉主之不可舉申脉僕參悉主之束骨在足小指外側本節後赤白肉際陷者中足太陽脉之所注也

灸者可灸三壯。崑崙在足外踝後跟骨上陷者中。細脉動應手。足太陽脉之所行也。刺可入同身寸之五分。留十呼。若灸者可灸三壯。申脉在足外踝下同身寸之五分。容爪甲陽蹻之所生也。刺可入同身寸之六分。留十呼。若灸者可灸三壯。僕參在跟骨下陷者中。足太陽陽蹻二脉之會。刺可入同身寸之三分。留七呼。若灸者可灸三壯。新校正云。按甲乙經。申脉在外踝下陷者中。無五分字。刺入六分。作三分。留十呼。作留六呼。氣穴注作七呼。僕參留七呼。甲乙經作六呼。引脊內廉。刺足少陰。復溜主之。取同飛陽注。從腎痛上寒不可顧。至起本及甲乙經。并太素。自腰痛上寒至此。並無乃王氏所添也。今注云。從腰痛上寒。至並合朱書十九字。非王冰之語。蓋後人所加也。腰痛引

少腹控眇。不可以仰。新校正云。按甲乙經。作不可以俛仰。刺腰尻交者。兩髀脾上。以月生死為疝數。發鍼立已。此邪客於足太陰之絡也。控。通引也。眇。謂季脇下之空軟處也。取腎髀下第四髀。即下髀穴也。足太陰厥陰少陽三脉。左右交結於中。故曰腎尻交者也。兩髀脾。謂兩髀骨下堅起肉也。脾上非脾之上。正當刺脾肉矣。直刺脾肉。即脾上也。何者。脾之上。巔別有中膂肉。俞白環俞。雖並主腰痛。考其形證。經不相應矣。髀骨。即腰脊兩傍起骨也。俠脊兩傍。腰髀之下。各有脾肉。龍起而斜趣於髀骨之後。內承其髀。故曰兩髀脾也。下承髀脾肉。左右兩脾。各有四

骨空。故曰上髀。次髀中。髀下髀。上髀當髀骨下陷者中。餘三髀。少斜下。按之陷中。是也。四空。悉主腰痛。准下髀所主。文與經同。即太陰厥陰少陽所結者也。刺可入同身寸之二寸。留十呼。若灸者可灸三壯。以月生死為疝數者。月初向圓。為月生。月半向空。為月死。死月。刺少生月。刺多。繆刺論曰。月生一日一疝。二日二疝。漸多之。十五日十五疝。十六日十四疝。漸少之。其疝數多少如此。即知也。左取右。右取左。痛在左。針取右。痛在右。針取左。所以然者。以其脉左右交結於尻骨之中。故也。新校正云。詳此腰痛引少腹一節。與繆刺論重。

重廣補注黃帝內經素問卷第十一

舉痛論位而

痺 紕急 腹中論 齟 薦茹

踵 蟲溝 嚙 小錘 髀 膠 膠 膠 膠

眇 眇 眇 眇 眇 眇 眇 眇 眇 眇

